

NATIONAL
LIBRARY
OF SCOTLAND

RB. A. 417.



Given by
Lady E. L. Rawlings.



Fhuaras naidheachd 'thug dhuinn bròn
'Nuair chualas feadh an àite
Gu' n bhàsaich Maighstir Seòr's
Bha iomadh neach ri sruladh
Gun dùil ri d' fhaicinn beò;
'S bi 'n Cean-a-deas ga d' ionndrainn
Is ga do chaoidh ro mhòr.

x


DO' N T-SAGART
SEORUS RIGG

NACHMAIR EANN



- 1 **O** gu'r cianail, duilich leinn
 Gu'r a muladach ri inns'
 Gu'n tugadh bhuainn à Uibhisd
 Fear, cho urramach 's a bh' innt'!
 Do bhàs, a Mhaighstir Seòrus,
 Thug leòn do dh-ìomadh cridh'.
 Do pheathraichean ro chòir
 'S iad gu brònach ga do chaoidh.
- 2 Gu'r ann moch Di-Sathuirne
 Fhuaras naidheachd 'thug dhuinn bròn
 'Nuair chualas feadh an àite
 Gu'n bhàsaich Maighstir Seòr's
 Bha ìomadh neach ri sruladh
 Gun dùil ri d' fhaicinn beò;
 'S bi 'n Cean-a-deas ga d' ionndrainn
 Is ga do chaoidh ro mhòr.

- 3 Bho n' thainig thu do dh-Uibhisd,
Bha thu measail air gach dòigh,
Ri Feumaich bha thu carthannach,
'S ro mhath do dhaoine leòint'.
Bha thu baigheil, caoimhneil,
'S beag bha dh' fhoill fo d' chòt';
'S ann bh' annad an duin' uasal
'S tu truasail ris gach seòrs'.
- 4 'S ann a fhuair thu pianadh
'Measg luchd fiabhruis mhòir,
Gun agad neach ga d' chuideachadh
Na chuireadh duin' air dòigh.
Bha 'n anshocair cho gabhaltach
Is gealtachd air gach seòrsa,
Ach ruigeadh tu gach pearsa dhiubh
Mar ghealladh leat 's a bhòid.
- 5 'S og a chaidh na bòidean ort,
'S a ghabh thu stol 'n ad laimh
An ceann na drèuchd tha solaimte.
Bha gliocas mòr 'n ad chainnt ;
Gu'm bu deagh fhear comhairl' thu
'Toirt robhadh dhuinn 's gach àm,
Sinn uile dhianamh aithreachas
Mu 'n tachradh dhuinn 'bhi cailt.



- 6 A Rìgh ! bu deas air altair thu
 Le pearsa 'bha gun sgòd,
 Fo chulaidh 's iomadh dath innte,
 'Toirt flathanas f' ar comhair.
 An sluagh a bha 'g ad eisdeachd
 'Toirt aoradh dha 'n Dia mhòr,
 'S an Iobairt Naomh ga tairgse leat
 Air son nam marbh 's nam beò.
- 7 'S og a fhuair thu d' àrach
 Leis a mhanna bheò,
 'Bha aig Maois 's aig Aaron,
 Aig Sàdoc agus Job.
 'S o chaidh siol nan gràsan
 'Chur 's an aít' sa leat ro mhòr,
 Cha d' dhichuimhnich an t-àl so thu
 N' am blàs 'bha 'n cainnt do bheoil.
- 8 'Sann a bh' annad an deagh bhuachail',
 Ged thugadh bhuainn thu og,
 Làn eireachdais is stuamachd,
 Gun ghruaim ri neach 'bha beò.
 Ri paisdean bha thu caoimhneil,
 'S tu tric 'toirt dhaibh dhe d' stòir,
 Ach gheibh thu duais do charthannachd
 Am flaitheas Dhia na glòir.

- 9 'Nuair 'theid mi gu Cnoc Thàlann
 'S a chi mi 'n t-ait a bheil d' ùir,
 Gu 'n saoil mi gu 'r a còir dhomh,
 Gu 'n cluinn mi 'n comhradh ciùin,
 A b' abhaist tighinn o d' bhileansa,
 'Bha 'sileadh mar an driùchd.
 Dha d' chaoraich thug thu t' ionaltradh
 Le smior a chruithnichd.
- 10 Gu 'r i Eaglais Dhalabruig,
 'Fhuair an sgaradh mòr
 'Nuair thugadh bhuaipe an Sagart
 'Bha ro mhaiseach air gach dòigh.
 Ach 's e toil an Athar, 'tha
 'Fantuinn ann ar gloir,
 'Chaoraich fhein thoirt dhachaidh,
 'S an ghabhail dha na chrò.
- 11 Nam b' e 'n aois 'thug bhuainn thu
 Cha bhiodh ar gruaim cho mòr ;
 'S ann dh' fhalbh thu 'n trein do spionnaidh
 'S gu 'r e sud a rinn ar leòn ;
 'S nach fhaca sinn na 's eireachdail
 A seasamh an am bròig,
 'S thug thu dhuinn an t-eisionplar
 Nach fhag a bheag 'tha beò. UIBHISDEACH.

